



Bosnia and Herzegovina
Federation of Bosnia and Herzegovina

CANTON SARAJEVO
**Ministry of Physical Planning Construction and
Environmental Protection**

Broj: 05-05-18645-94/19 RA
Sarajevo, 01.07.2019. godine

SKUPŠTINA KANTONA SARAJEVO

- o v d j e -

n/r Elmedin Konaković, predsjedavajući

PREDMET: Dostava odgovora na zastupničku inicijativu – zastupnik Damir Nikšić

Zastupnik u Skupštini Kantona Sarajevo, Damir Nikšić, na Osmoj radnoj sjednici Skupštine Kantona Sarajevo, održanoj dana 14.05.2019. godine, u okviru tačke Dnevnog reda "poslanička/zastupnička pitanja, inicijative i odgovori", pokrenuo je inicijativu, kako slijedi:

"U svjetlu borbe ove vlade protiv aerozagadenja u Kantonu Sarajevo, zagađenja čiji je najveći uzročnik bezakonje, korupcija i siromaštvo, a imajući na umu i poskupljenje plina za 30% kojim je vlada Federacije BiH izvela direktni udar na naš plan borbe protiv zagađenja KS, na kojem smo proteklih mjeseci mukotrpno radili, kao i udar na džepove korisnika čija bi prava i zaštita od monopola, pored liberalizacije tržišta, morali biti prioritet ako ne vladi, a ono nama zastupnicima slobodnih građana i korisnika javnih preduzeća i usluga, ja predlažem određene mjere štednje u Kantonu Sarajevo.

Prije svega pozivam građane kantona na štednju električne energije masovnim prelaskom na LED rasvjetu. Naime, 100% LED rasvjete znači uštedu električne energije od 50%, a to, prevedeno u novac, znači veliko smanjene računa za struju. Zato i pokrećem inicijativu da sve institucije i preduzeća Kantona Sarajevo u potpunosti pređu na štedljive sijalice i da na taj način pokrenemo ovu akciju koju bi trebali izvesti do zime.

Istovremeno predlažem da sve akcije utopljavanja fasada, subvencija za grijanje (i dr.) za osnovni uslov moraju imati aktivno korištenje štedljivih sijalica u objektu, jer, složićemo se, nema smisla utopljavati objekte i davati subvencije za grijanje rasipnicima koji ne mare za energetske efikasnost i uštedu električne energije u svojim objektima.

Isto to važi i za nas. Nema smisla tražiti od drugih da ispune određene standarde, ako ih mi nećemo ispunjavati. Zato predlažem da vlada prihvati moju inicijativu, da upotrijebi postojeća sredstva tako što će ih usmjeriti u ovom pravcu djelovanja, te da utvrdi rok do kada bi prostori javnih ustanova i preduzeća KS trebali postati 100% LED, a time energetski efikasni po ovom pitanju. Lično mislim da moramo početi odmah kako bi spremno dočekali zimu."




ODGOVOR:

Prema Zakonu o energijskoj efikasnosti u Federaciji BiH ("Službene novine Federacije BiH" broj 22/17), Federalno ministarstvo energije, rudarstva i industrije provodi politiku poboljšanja energijske efikasnosti, u saradnji sa ostalim federalnim ministarstvima, u skladu sa njihovim nadležnostima. U pogledu provođenja politike poboljšanja energijske efikasnosti pomenuto Federalno ministarstvo koordinira druge organe uprave, ustanove, javna preduzeća i zainteresirane strane. Preneseno na Kanton Sarajevo, politiku poboljšanja energijske efikasnosti provodi Ministarstvo privrede, s obzirom da je resorno za oblast energije. Članom 9. Zakona propisane su nadležnosti kantona u provođenju istog, pa i kada je u pitanju donošenje sveobuhvatnog Plana energijske efikasnosti na području Kantona Sarajevo, a za čiju pripremu je odgovorno upravo Ministarstvo privrede.

S druge strane, projektima energijske efikasnosti u javnim objektima Ministarstvo prostornog uređenja, građenja i zaštite okoliša bavi se u okviru saradnje sa UNDP-ijem kroz Projekat "Zeleni ekonomski razvoj", prvenstveno radi smanjenja korištenja toplotne energije, za koju je ocijenjeno da direktno negativno utiče na kvalitet zraka. Realizacijom projekata ovakvog tipa dijelom se ostvaruje samo jedan od ciljeva energetskeg razvoja iz člana 2. Zakona o energijskoj efikasnosti, a to je smanjenje negativnih uticaja na okoliš.

S poštovanjem,



MINISTAR

Damir Filipović, MA prava

Dostaviti:

- Naslov
- ⊖ Stručna služba Vlade Kantona Sarajevo, ovdje
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

